

LO TUATUA KPA MOSES

LO A LU EKUE

JENESIS

¹
Job 38:4-7
Ais 42:5; 45:18
Jon 1:3
Kol 1:16
Hib 1:10; 11:3
Mum 4:11
²
Jer 4:23
³
2 Kor 4:6

I Bu boātē Bari bee dem bunyoo le nyouwe. 2 E nyouwe naa bee ere logo bera sa a bee tōō ekobu, e zii bee le si kē a toga; e Edōō Bari bee teŋa si dēdeē maa.

3 E Bari bee ko, “Doolo ee’dee le”; e ee’dee bee le. 4 E Bari bee mue ee’dee a ko a lee; e Bari bee poo ee’dee a lee loo zii. 5 Bari bee kue ee’dee a Sō-pie, e zii a na a kue Sō-edeē a. E sō uune le sō loore bee le, zii bira dee.

⁶
Job 37:18
Yoo 33:6
Jer 10:12

6 E Bari bee ko, “Doolo si bunyoo le yee dēdeē maa, sa doo ko a sere kuma yee maa le maa.”

7 E Bari bee doo si-bunyoo sa poo dēdeē maa lo a bee le keē si-bunyoo aalloo dēdeē maa lo a bee le nyoo si-bunyoo. E a bee le doo wo. 8 E Bari bee kue si-bunyoo a Bunyoo. E sō uune le sō loore bee le, lo eree bae bira dee.

⁹
Job 38:8, 10, 11
Yoo 33:7; 95:5
Jer 5:22

9 E Bari bee ko, “Doolo dēdeē maa a le keē bunyoo lu ebongeloo aba do, sa doolo kagara kenekē sira.” E a bee le doo wo. 10 Bari bee kue kagara kē a Kenekē, e dēdeē maa a bee lu ebongeloo aba do na a bee kue Gbene-pene a.

¹¹
Yoo 104:14

E Bari bee mue ko a lee. 11 E Bari bee ko, “Doolo kenekē nyim lu wii, dēdeē nu a yere eyuu, e bee-te a mum bee lo wa eyuu wa le bu, zii zii aba dookē ye bera le doo, nyoo kenekē.” E a bee le doo wo. 12 Kenekē bee nyim lu wii, nu efo a mum eyuu, a lu keeke dookē wa bera le doo, e dēdeē te a mum bee lo wa eyuu le bu, zii zii aba dookē ye bera le doo. E Bari bee mue ko a lee. 13 E sō uune le sō loore bee le, lo eree taa bira dee.

¹⁴
Yoo 104:19
Jer 10:2
Joel 2:30,
³¹
Mat 24:29
Luk 21:25

14 E Bari bee ko, “Doolo dēdeē nu a ne ee’dee si-bunyoo lo

bunyoo sere kuma lo sō pie lu sō edeē, sa doo ko ba lu edoba nu, le sō a bee lu esere, le buā dee le dua, 15 sa doo ko ba a ne ee’dee li si bunyoo lo bunyoo lo ene ee’dee nyouwe.” E a bee le doo wo. 16 E Bari bee dem bae gbene nu lo a ne ee’dee, lo gbene ko a bee sō pie, e lo gbagbara ko a bee sō edeē; e a bee demanage dēdeē zina. 17 E Bari bee wa yere bu si-bunyoo li bunyoo lo ene ee’dee nyouwe, 18 lo ebee sō pie le sō edeē, le lo epoo ee’dee lee loo zii. E Bari bee mue ko a lee. 19 E sō uune le sō loore bee le, lo eree nia bira dee.

¹⁶
Deut 4
Yoo 13
9

20 E Bari bee ko, “Doolo dēdeē maa nua eku eku nu a tōō dum, e doolo dēdeē enue pegi nyouwe teē si-bunyoo li bunyoo.” 21 Nyoo Bari bee dem dēdeē gbene nam a le bu gbene pene, le dēdeē nu a tōō dum awee nim keē maa, lo maa nua bee keeke si dee, dookē wa bera le doo, le dēdeē enue pee dookē wa bera le doo. E Bari bee mue ko a lee. 22 E Bari bee wa ne leele, sa ko, “Manaa yii lo sa mma bu maa a le dēdeē gbene pene, sa doolo dēdeē enue yii loo bu nyouwe.” 23 E sō uune le sō loore bee le, lo eree o’oo bira dee.

¹⁸
Jer 31:35

²¹
Yoo 104:25,
26

24 E Bari bee ko, “Doolo kenekē nua keeke nu a le dum dookē dēdeē wa bera le doo; gbo nam-to le dēdeē nu a kuu-bu kenekē le nam-kue a lu keeke lo nyouwe dookē wa bera le doo.” E a bee le doo wo. 25 E Bari bee doo nam-kue a lu keeke lo nyouwe, le nam-to a lu keeke, le eregeba nu a lu keeke a kuu-bu kenekē. E Bari bee mue ko a lee.

26
Jen 3:22;
5:1; 9:6;
11:7
Yoo 8:6-8
Ais 6:8
Jem 3:7, 9

26 Lo s5 Bari bee ko, "Dooraa i dem nse bu ilii bera, dookē i meā le doo; sa doolo ba ere ekpo lo bari a le bu gbene pens, le lo dēdeē enus a pēe bunyoo, le lo nam-tō, le lo dēdeē nyouwe, le lo dēdeē nu a kuu-bu kē bu nyouwe." 27 Nyowo Bari dee dem nse bu ye bera, bu bera Bari na a bee ye dem a; nēadam le nsewa na a bee wa dem a. 28 E Bari bee wa ne leele, e Bari bee wa ko ne, "Manaa sa yii loo, sa mma bu nyouwe, sa ye su seca keē i; sa ere ekpo loo bari a le bu gbene pens, le lo dēdeē enus pēe bunyoo, le lo eregeba nu a to5 dum a kiana bu nyouwe." 29 E Bari bee ko, "Ep, m enea i dēdeē nu efo lo a ere eyuu a le si dēdeē nyouwe, e eregeba te lo a ere eyuu bu ye bee; bui era wa doodoo nuede. 30 E lo eregeba nam-kue bu nyouwe, e lo eregeba enus pēe bunyoo, e lo eregeba nu a kuu-bu kē bu nyouwe, dēdeē nu a ere piogi dum, m enea eregeba nu a nyim nua nuede." E a bee le doo wo. 31 E Bari bee mus dēdeē nu a bee doo, e ep, a bee lee gbene. E s5 uune le s5 loore bee le, lo eree ini'ii bira dee.

27
Mal 2:14,
15
Mat 19:4
Maak 10:6
I Kor 11:7
Efes 4:24
Kol 3:10
K8
Jen 9:1, 7
Lev 26:9
I Tim 4:3

29
Job 36:31
Yoo 104:14,
15; 145:15,
16

30
Yoo 104:27,
28; 147:9

31
Yoo 104:24
I Tim 4:4

2
A'aa 20:11;
31:17
Hib 4:4

2 Bu lo si dee ama bee lu edoo bunyoo le kenekē sah, le dēdeē nu a wa le bu. 2 E nyoo lo eree ereba bira dee Bari bee sah ye tam a bee doo, e a bee fseereloo nyoo ereba bira dee aaloo dēdeē ye tam lo a bee si.

3 Nyobee wo Bari bee ne leele lo eree ereba bira dee sa ye sere nua kae, nyonebee nyoo lo dee na Bari bee fseereloo aaloo dēdeē ye tam lo a bee si bu dēdem nu a.

4 Alaba ama na dēdeē s5 eku bunyoo le kenekē s5 a bee lu edem wa a.

Bu dee Jehova Bari bee dem nyouwe le bunyoo, 5 s5 lgo nu a nyim bu wii sii bee nyim bu nyouwe, e lgo nu efo bu wii sii bee si mēe—nyonebee Jehova Bari sii bee doo ko boo a doo nyouwe, e lgo nse a si tam wii naa bee le; 6 mē tōdee bee aakē aaloo kenekē

sa debe dēdeē si kenekē— 7 lo s5 Jehova Bari bee dem nse aaloo esaā a le kenekē, sa fuuri piogi dum yere bu bae ye edee-bi5; e nse lu nu a to5 dum. 8 E Jehova Bari bee kwa zii kere uwe a lu ebe goh tama enjane i Eden, bu si loo enaani wee sira aa; e lo kē na a bee sere lo nse a ebee dem a. 9 E Jehova Bari bee doo ko dēdeē te a lee sa kpe deē sa lee lo nuede a si mēe aa kenekē, te dum bee lenage tae bu kere goh ama, e te suāloo le le poro bee lenage.

10 Zii pens bee bu aa Eden lo awee yere maa bu goh a, e lo kē na a bee poa lu nia pens a. 11 Bee tuatua bee kura Pishon; ale na pens awee bu enjane dēdeē buē Havila, kē gold le; 12 e gold lo buē ama lee; bdellium le dem onyx le lo kē. 13 Bee lo eree bae pens a kura Gihon; ale na awee bu enjane dēdeē buē Kush. 14 Bee lo eree taa pens bee kura Hidekel, lo a bu teē dee kē enaani wee sira aa lo Asiria. E lo eree nia pens na Yufretis.

15 Jehova Bari bee su nse a sa bee ye yere bu goh Eden lo esi tam bu, le lo esere ye. 16 E Jehova Bari bee ne lok nse a, sa ko, "O dap ge de eregebah te a le bu goh ama bu yoo; 17 mē bee a aaloo te suāloo le le poro na oo ere ede a, nyonebee dee o de bee a ye aaloo o ga le u."

18 Lo s5 Jehova Bari bee ko, "A naa lee ko nse ama a to5 aba ee; m ga le kwa nse yerebah a boloo ye ne." 19 Nyobee wo Jehova Bari bee kwa eregeba nam a le bu wii, le eregeba enus pēe lo bunyoo aā bu esaā, sa bee doo ko ba lu lo nse a, lo emue nu a ekue wa; e eregeba bee nse a bee kue dēdeē nu a to5 dum, lo ama na a bee lenage ye bee a. 20 Nse a bee ne bee dēdeē nam-tō, le dēdeē enus pēe bunyoo, le dēdeē nam a le wii; mē nse a naa bee mue lgo nse yerebah a ye boloo. 21 Nyobee wo Jehova Bari bee doo ko nse a a do bu gbene daa, e s5 a le daa a su zii ye ekpo-koo ye lee loo sa sikē su namloo mmene lo do; 22 e ekpo-koo lo Jehova Bari bee su aaloo nse

7
Jen 3:19;
7:22
Job 33:4
Eklis 12:7
I Kor 15:
45, 47
8
Jen 13:10
Ais 51:3

9
Jen 2:17;
3:22
Mum 22:2,
14

11
Jen 25:18
I Sam 15:7

14
Dan 10:4

19
Jen 1:20, 24

21
Jen 15:12
I Sam 26:12

a na a kwa nua nēewa a, sa ye su ne nēe a. 23 Lo s̄s̄ nēendam a bee k̄o, “Eheē, ale ama na ekpo a aaloo dēdēē na ekpo le namloo a aaloo na namloo a; ga le lu ekue ye Nēewa, nyōnebee a bee lu esu ye aā bu Nēendam.”

23
Jen 29:14
Bae 9:2
2 Sam 5:1
1 Kor 11:8
Efes 5:30

24 Nyōbee lo ba ama na nēe eleebaloo ye te le ye ka sa dabaloo ye wa, sa ba lu aba etene namloo a. 25 E nēe a le ye wa, bae aba bee le eko-tē, e kee naa bee wa bop.

24
Mat 19:5
Maak 10:7
1 Kor 6:16
Efes 5:28-31

3 Me yōo bee ere kianana ee eregeba lo dōona nam-kue lo Jehova Bari bee dēm. A bee k̄o ne nēewa a, “Bari bee k̄o ge ‘Bui aa de bee a aaloo eregeba te a le bu goh a’?” 2 E nēewa bee k̄o ne yōo a, “I dap de bee eregeba te a le bu goh; 3 me Bari bee k̄o, ‘Buii le de bee lo te a le tae yee bu goh, ale daa ye baloo, taā a doo bui u.’” 4 Me yōo a bee k̄o ne nēewa a, “Buii le u. 5 Nyōnebee Bari suā kōme s̄s̄ bui de bee a ye aaloo na bae deē i eyea, e bui le doodoo Bari, sa suā le le poro.” 6 Nyōbee wo s̄s̄ nēewa emona k̄o te a lu le nuede, a lunage nu a nia deē nēe, e kōme te a bee ye tae lokwa a ere suāna, a bee su ye bee sa de; e a bee nenage siga ye dam, e ale bee denage. 7 Lo s̄s̄ deē bae aba bee yēea, e ba bee suā k̄o ba kiā eko-tē; e ba gba epanya fig lo ziī nua nu e’uwasi to wa.

1
Mat 10:16
Mum 12:9;
20:2

3
Jen 2:17

4
2 Kor 11:3

6
Hos 6:7
Rom 5:12
1 Tim 2:14

8
Job 31:33
Yōo 139:1-12
Jer 23:23,
24

10
Job 23:15

12
Kam 28:13

8 E ba bee dā mue Jehova Bari s̄s̄ a bee kianā bu goh s̄s̄ dee fiitōo, e nēe a le ye wa bee ḡs̄ loo wa lee kē si Jehova Bari yee dēdēē te a le bu goh. 9 Me Jehova Bari bee kue nēe a, sa ye k̄o ne, “Me kē na o le a?” 10 E a bee k̄o, “M bee dā o mue bu goh, e bōo bee me aa, nyōnebee m bee le eko-tē, e m bee ḡs̄ loo me.” 11 A bee k̄o, “Mee na a bee a k̄o ne k̄o o bee le eko-tē a? O bee de ge aaloo te mda bee a ne lok k̄o o a de?” 12 Nēendam a bee k̄o, “Nēewa lo o bee me ne k̄o a tōs̄ me loo, ale na a bee me ne bee te a, e m bee de.” 13 Lo s̄s̄ Jehova Bari bee k̄o ne nēewa a, “E na a le lo nu o bee doo ama?”

Nēewa bee k̄o, “Yōo a bee me dag e m bee de.” 14 Jehova Bari bee k̄o ne yōo a,

14
Ais 65:25
Maika 7:17

“Nyōnebee o edoora lo nu ama, kae nu ele a ne eenyōo dēdēē nam-tō, le eenyōo dēdēē nam-kue; o ga le ku-bu-kē lo o kiā, e esaā na o ga le de dēdēē dee lo o dum.

15 M ga le sere baaloo yee olo le wa a, le yee oloo eyuu le aleē eyuu, a ga le bii o ekobee kuma kē, e olo ga le bii ye tē-kpōn-tō kuma kē.”

15
Ais 7:14
Mat 1:23,
25
Luk 1:34,
35
Rom 16:20
Gal 4:4
Mum 20:1-3
16
Jen 16:21
1 Kor 11:3
Efes 5:22-24
Tait 2:5

16 E a bee k̄o ne nēewa, “M ga le doo k̄o o dumenu a yii loo bu o su bu; bu dumenu na o ga le maē pya o mioṅ a, kerewo o tae nu ga le le ne o dam, e ale ga le bee a.”

17 E a bee k̄o ne Adam, k̄o, “Nyōnebee o bee gbaētō lo mue o wa, sa bee de aāloo te a lo mda bee a ne lok, ‘O a ye de aāloo,’ kae nu le ne kenekē nyōbee olo; bu epiaga na o ga le de nu ye aāloo yube dee lo o dum;

17
Jen 5:29
Eklis 2:22,
23
Rom 8:20-22

18 suu le bionbiōskue na a ga le si a ne a; e o ga le de nu a bee lu efo bu wii.

19 Lo kiere o si na o ga le de fituru mme s̄s̄ o obia ina lo kenekē, nyōnebee aa bu ye na a bee lu esu a nua; o lu esaā, e lo esaā na o obiage kii a.”

19
Jen 2:7
Job 34:15

20 Nēe a bee kue bee ye wa Iv, nyōnebee a bee le ka dēdēē pya a tōs̄ dum. 21 E Jehova Bari bee su kpa nam daā nu yaa loo Adam le ye wa, sa wa yere loo.

22 Lo s̄s̄ Jehova Bari bee k̄o; “Ep, nēe a elea doodoo ziī ili, sa suāloo le le poro; e nyawo, taā a doo a niina bah ye sa su nu aāloo te dum a, sa de, sa tōs̄ dum mme deedeē”— 23 nyōbee wo Jehova Bari bee ye ture lee bu goh Eden, lo esi tam kenekē lo a bee lu esu ye

22
Jen 2:9; 3:5

24
Jen 2:8
Yoo 104:4
Hib 1:7

aã bu. 24 A bee kpo nee a kuma
ee; e lo si enaani wee sira aa lo goh
Eden a bee sere pya cherub le ego-
miã gē no lo a kiya eregeba si dee,
lo ekpega dee te dum a.

The Bible in Ogoni

053P

© B.F.B.S. 1968

BFBS.1968.5M



SBN 564 00213 5